

四庫全書

子部

欽定四庫全書

子部

石渠寶笈卷三十四
五

詳校官中書臣吳璣

侍讀臣孫球覆勘

總校官編修臣王燕緒

校對官助教臣胡予襄

謄錄監生臣曾衍笏

欽定四庫全書

石渠寶笈卷三十四目錄

貯

御書房七

列朝人

畫卷次等

唐閻立本畫步輦圖

唐王維溪山雪渡圖

唐李昭道畫蓬萊宮闕圖

五代周文矩七賢過關圖

宋徽宗王濟觀馬圖

宋徽宗金英秋禽圖

宋董源重溪烟靄圖

宋郭忠恕摹顧愷之蘭亭讌集圖

宋燕文貴倣王維江干積雪圖

宋燕文貴溪風圖

宋許道寧烟溪夏景

宋劉永年花陰玉兔圖

宋郭熙山水

宋李公麟丹霞訪龐居士圖

宋李公麟西園雅集圖

宋李公麟十八學士圖

宋趙令穰湖莊清夏圖

宋米友仁雲山圖

宋張擇端清明上河圖

宋張擇端清明上河圖

宋趙伯駒仙山樓閣圖

宋趙伯駒畫滕王閣宴會圖

宋馬和之桃源圖

宋朱銳畫春社醉歸圖

宋徐本歷代錢譜

宋江貫道千巖萬壑圖

宋劉松年西園雅集圖

宋艾淑武夷山圖

宋僧法常寫生

宋范安仁魚藻圖

元趙孟頫畫陶潛軼事圖

元趙孟頫前後赤壁賦圖

元趙孟頫古木散馬圖

元趙孟頫畱犢圖

元趙孟頫洗馬圖

元趙孟頫管道昇合作

元管道昇修竹圖

元錢選七賢圖

元錢選畫錦灰堆

元錢選荔支圖

元錢選荔支圖

元錢選畫忠孝圖

元錢選青山白雲圖

元王振鵬畫鍾馗送嫁圖

元王振鵬金明奪錦圖

元王振鵬五雲樓閣圖

元王淵荷花鵝鵝圖

元黃公望溪山雨意圖

元王蒙松窓讀易圖

元王蒙畫芝蘭室圖

元吳鎮竹譜

元張中畫菊

明宣宗萬年松圖

明吳偉倣李公麟洗兵圖

明張珪神龜圖

明沈周畫松石間意

明沈周淇園春雨圖

明沈周林隱圖

明沈周畫遼巷圖

明沈周畫梅花

明唐寅畫對竹圖

明唐寅坐臨溪閣圖

明唐寅折枝花卉

明唐寅秋林高士圖

明唐寅煮茶圖

明仇英乞巧圖

明仇英花鳥寫生

明仇英漢宮春曉圖

明張奎秋色圖

明文徵明畫新燕篇詩意

明文徵明赤壁賦圖

明文徵明存菊圖

明文嘉畫會景堂圖

明陳淳山水

明陳淳洛陽春色圖

明陳淳牡丹

明陳淳雲白山青圖

明錢穀永蘂齋圖

明錢穀溪閣高門圖附文徵明詩帖

明徐渭畫竹

明宋懋晉摹諸家樹譜

明黃彪畫九老圖

明趙左倣黃公望富春大嶺圖

明周之冕花鳥

明黃希憲江村圖

明董其昌巖居圖

明董其昌倣小米瀟湘奇境圖

明陸遠倣巨然谿山無盡圖

明鄒典金陵勝景圖

明陳嘉言花卉

明程士槭萬松圖

明王時敏倣宋元諸家畫

明楊文驄蘭石

明馬守貞畫蘭

欽定四庫全書

卷三十四目錄

欽定四庫全書

石渠寶笈卷三十四

貯

御書房七

列朝人

畫卷次等

唐闕立本畫步輦圖一卷

次等天一

素絹本著色畫卷中幅署步輦圖三字卷後章

伯益篆書本事竝署云唐相闔立本筆拖尾有
米黻黃公器張向劉次莊曹將美陶舜咨鄧忠
臣張偓佺曾巽申諸記語又江湫篆書記語一
又田儼諸人記語一又蔚宗記語一姓下署闕
杞二字又琰記語一姓竝缺又記語二未署名又
劉忱李康年張知權林定姚雲郭衢諸跋又張
舜民許善勝題句二

唐王維溪山雪渡圖一卷

次等
地一

素絹本著色畫款云

缺

王維作拖尾有沈周王

鰲題句二又董其昌顧仲子二跋

唐李昭道畫蓬萊宮闕圖一卷

次等元一

素絹本著色畫款署昭道拖尾有吳元節書王

建宮詞四首又邱濬跋一又李東陽記語一前

隔水

皇帝青宮時題詩云縹緲樓臺隔五雲神姑是日會

茅君霓裳按舞飄霞帔星步凌波濕霧裊清淺

曾傳羣羽客風流今見小將軍想伊夙世饒仙
骨筆述三生應不羣寶親王題下有寶親王寶
勤學好問二璽前有隨安室一璽

五代周文矩七賢過關圖一卷

次等黃一

素絹本著色畫款署文矩二字

微缺

宋徽宗王濟觀馬圖一卷

次等字一

素絹本著色畫卷首署王濟觀馬圖五字上鈐

雙螭一璽拖尾有張斯立楊肯堂郭天錫馬昀

諸記語

宋徽宗金英秋禽圖一卷

次等字二

素絹本著色畫卷後署御筆二字并押字一上
鈐御書一璽前隔水署天水金英秋禽圖七字

宋董源重溪烟靄圖一卷

次等字一

素絹本墨畫款署董源拖尾有龔璠記語一又
仇遠張瑛柳貫馬琬倪瓚諸題句又題句一後
署醉樵又喬簣成跋一又郭昇題名一

宋郭忠恕摹顧愷之蘭亭讌集圖一卷

次等洪一

素絹本淡著色畫每段注姓名爵里並原詩于上款云臣郭忠恕又署忠恕二字拖尾何旭書記一則前署容菴續古記五字

宋燕文貴倣王維江干積雪圖一卷

次等
荒一

素絹本著色畫款云燕文貴倣王右丞筆拖尾有沈周題句一前隔水

皇帝青宮時題詩云遙巒積翠含清冷長江雪浪翻

千頃生綃一幅萬里遊
筆端瀟灑江南景渡口
風吹驢背寒十千貰酒呼舴艋
世態炎涼何足憑
還如波浪飄浮梗
歎云寶親王長春居士題
後有寶親王寶染翰二璽前有樂善堂一璽

宋燕文貴溪風圖一卷

次等
荒二

素絹本墨畫無款姓氏見跋中
拖尾有朱僕跋
凡二又馮子振李源道王約劉賡
袁楠趙世延
張珪鄧文原陳庭實柳贊陳顥
魏必復李洞杜

禧趙巖諸題句

宋許道寧烟溪夏景圖一卷

次等
日一

素絹本墨畫款署許道寧

宋劉永年花陰玉兔圖一卷

次等
月一

素綾本著色畫金書款云臣劉永年畫拖尾有

趙孟頫題句一前隔水

皇帝青宮時題詩云一幅生綃擬廣寒寶珠斜傍碧

琅玕鵲橋未向河邊駕蟾影疑從月裏看漫許

嫦娥供搗藥空傳抱朴欲和丹蘭谿莎徑蕭閒
甚東郭何如箇裏安寶親王長春居士題下有
寶親王寶染翰二璽前有樂善堂一璽

宋郭熙山水一卷

次等
盈一

素絹本墨畫無款姓氏見跋中拖尾有龍巖跋

一

宋李公麟丹霞訪龐居士圖一卷

次等
盈一

素絹本墨畫無款姓氏見跋中拖尾有僧溥洽

跋一又姚綬題句一

宋李公麟西園雅集圖一卷

次等
二

素牋本白描畫每段金書署名無款姓氏見跋
中拖尾有曾幾劉克莊宋渤諸跋又趙淇高棟
鄭定陳賡陳公亮王恭諸題句又隸書題句一
後署牧隱

宋李公麟十八學士圖一卷

次等
三

素牋本白描畫款署公麟二字拖尾有劉三吾

謝復馬存中張遜王俊華夏行諸題句又盧廷

網跋一

宋趙令穰湖莊清夏圖一卷

次等
辰一

素絹本著色畫款識云元符庚辰大年筆後隔
水有董其昌跋一拖尾有蔡昂呂頤王鳳靈諸
題句後其昌跋語又六則

宋米友仁雲山圖一卷

次等
宿一

素絹本墨畫款署友仁拖尾有張雨徐賁徐達

左諸題句又王行跋一又高啟諸人記語一又

姚辯諸人記語一

宋張擇端清明上河圖一卷

次等
列一

素絹本著色畫款云臣張擇端畫卷前署清明

上河圖五字拖尾有戴表元跋一又李冠李魏

蘇舜舉諸題句又岳璿記一又陳繼儒跋一

宋張擇端清明上河圖一卷

次等
列二

素絹本著色畫無款姓氏見跋中前隔水有五

言律詩一首後署賜錢貴妃四字上鈐御府之印一璽後隔水有東府同觀四字拖尾有岳璿戴表元二跋又蘇舜舉李冠題句二

按此卷題跋四則與前卷同皆臨本也

宋趙伯駒仙山樓閣圖一卷

次等張一

素絹本著色畫款云臣伯駒上進拖尾有馬琬鄧文原文徵明諸題句又許初記語一引首

皇帝青宮時題詩云雲山縹緲列仙鄉海隔紅塵路

渺茫只許人間圖上看廣寒宮殿午風涼彩鳳
時來閨苑西瑤華枝上暫教栖晚歸畱却乘雲
去輸與王喬一局棋雲衣散作幾絲霞清淺蓬
萊似若耶莫倩麻姑說接待此間不是蔡經家
霞帔蹁躑瑞靄生飄飄金舄步風輕飛花一任
隨流水劉阮何能借問程雍正乙卯秋七月寶
親王長春居士題下有寶親王寶勤學好問二
璽前有隨安室一璽

宋趙伯駒畫滕王閣宴會圖一卷

次等
張二

素絹本著色畫欵署千里伯駒拖尾趙孟頫書
滕王閣序又袁桷題句一又危素跋一又記語
一署員嶠山人前隔水

皇帝青宮時題詩云當年高會喜追陪
傑閣臨江曲
宴開樂奏陽春調
玉管蟻浮湛露引金杯
一時
賓主筵前美幾日
風光秋晚催勝事
祇今圖畫
裏賦心空憶子安才
甲寅立秋日寶親王長春

居士題下有寶親王寶長春居士二璽前有芝

蘭室一璽

宋馬和之桃源圖一卷

次等
寒一

素絹本白描畫款署和之

宋朱銳畫春社醉歸圖一卷

次等
來一

素絹本著色畫款識云紹定二年三月朱銳筆

拖尾有鮮于樞柳貫倪瓚俞和諸題句

宋徐本歷代錢譜一卷

次等
署一

素絹本著色畫歷代錢式並小楷書譜卷後款
識云紹興二十四年歲在甲戌冬東海徐本繪
引首董其昌書歷代錢譜四大字拖尾又其昌
跋一

宋江貫道千巖萬壑圖一卷

次等
往一

素絹本墨畫無款姓名見跋中拖尾有跋語一
款署董正翁

宋劉松年西園雅集圖一卷

次等
秋一

素絹本著色畫款署松年

宋艾淑武夷山圖一卷

次等收一

素絹本著色畫款署臣艾淑卷首有篆書武夷

山圖四字

橫書

宋僧法常寫生一卷

次等冬一

素箋本墨畫各種花卉蔬果翎毛款識云咸淳

改元牧溪拖尾有項元汴僧圓信查士標諸人

跋

宋范安仁魚藻圖一卷

次等
藏一

素絹本墨畫無款姓名見跋語中引首有天機
活潑四大字未署名拖尾有魯治沈仕吳炳三
跋

元趙孟頫畫陶潛軼事圖一卷

次等
閏一

素絹本白描畫凡十四段每段節節書本傳卷前
署陶淵明小像五字款識云皇慶三年十月七
日識子昂

元趙孟頫前後赤壁賦圖一卷

次等
閏二

素絹本著色畫款識云大德二年春日畫子昂

拖尾有李昌期跋一王守題句一

元趙孟頫古木散馬圖一卷

次等
閏三

素箋本墨畫款識云大德四年十二月廿八日

為彥遠作古木散馬圖子昂拖尾有王賓跋語

一引首俞宗大篆書松雪散馬圖五大字

元趙孟頫畱犢圖一卷

次等
閏四

素絹本白描畫款識云大德元年七月廿日畫
子昂卷前署壽春令留犢五字拖尾有宋克跋

一

元趙孟頫洗馬圖一卷

次等
間五

素絹本著色畫款識云至正元年秋七月寫吳
興趙孟頫引首

皇帝青宮時題詩云平郊拖邈迤一川清且泚怪石
刺波青榭林紅間紫奚官驅天閑盡就明波洗

駝顏斜坐鞍奚童任指使其數乃萬乘其品皆
駉駉名駒志氣殊好境亦知喜或馳若龍飛或
靜若鴻止竝驅爭後先滾地烟塵起或牝求其
牡或母乳其子亦有獨立者昂昂鬃上指駿馳
千里遙怒破萬軍壘我閱李伯時畫馬夙擅美
雪翁寫全景妙意得神髓如遊汾漢間似歷渥
洼裏是時金風奏郊外秋蒐始擬欲試金鞭一
箭落雙雉雍正乙卯秋七月朔寶親王長春居

士題并書後有寶親王寶勤學好問二璽前有
隨安室一璽

元趙孟頫管道昇合作一卷

次等
餘一

素箋本趙孟頫著色畫楓林撫琴圖款云皇慶
二年春子昂管道昇墨畫補新篁坡石款署仲
姬卷前孟頫又自題云南望多春雨江湖日夜
深不知空谷底誰與共芳心玉節去翩翩誰招
海上仙青鸞三尺影猶舞鏡臺前子昂重題拖

尾有虞集于思緝顧祿倪瓚王寵楊循吉諸題
句又吳寬跋一

元管道昇修竹圖一卷

次等成一

素絹本墨畫卷前書賦署修竹賦松雪作六字
款署仲姬卷後自識云墨竹君子之所愛者余
雖在女流竊甚好學未有師承難窮三昧及侍
吾松雪十餘秋傍觀下筆始得一二偶遇此卷
間置齋中乃乘興一揮不覺盈軸與余兒女輩

翫之仲姬識後隔水有方亨咸跋一引首有隸
書魏國夫人遺蹟六大字拖尾亨咸又記語一

元錢選七賢圖一卷

次等
歲一

素牋本著色畫款題云晉人好沈酣人事不復
理但進杯中物應世聊爾耳悠悠天地間愉樂
本無媿諸賢各有心後世毋輕議錢選舜舉拖
尾有宋濂拈馬魯丁二跋又薛超善題句一

元錢選畫錦灰堆一卷

次等
歲二

素牋本著色畫款識云世間棄物余所不棄筆
之於圖消引日月因思明物理者無如老莊其
間榮悴皆本於初榮則悴悴則榮榮悴互為其
根生生不窮達老莊之旨者無名公公既知言
余復何言吳興錢選舜舉拖尾有張雨唐寅二
跋又陳彥博文徵明記語二

元錢選荔支圖一卷

次等
歲三

素箋本墨畫卷後書蘇軾本詩款云錢選書畫

元錢選荔支圖一卷

次等
歲四

素絹本著色畫無款姓名見跋中拖尾文徵明
書蘇軾本詩款云右荔支嘆蘇長公作也偶有
客持錢舜舉所畫荔支卷索題因為書此戊午
春日徵明

元錢選畫忠孝圖一卷

次等
歲五

素絹本著色畫葵花萱草二種款題云葵萼傾
心向太陽萱花樹背在高堂忠臣孝子如佳卉

憑仗丹青為發揚吳興錢選舜舉畫并詩

元錢選青山白雲圖一卷

次等
歲六

素牋本著色畫款題云遠山鬱蒼翠勝境非人間白雲自出岫高聳誰能攀隱居得其趣邱壑藏一斑扁舟任來往慰我浮生閒吳興錢選舜舉後隔水有董其昌跋一拖尾有鄧士瑛陸景善馮愷繆侃王謙胡燠鄭思先張著陳繹馬祖常姚公綬諸題句又邈夫寓樵生佯狂生徐生

婁東愚者戲鵝亭林隱松陵樗散諸題句未署名又楊循吉題名一最後有項元汴記語一

元王振鵬畫鍾馗送嫁圖一卷

次等律一

素牋本墨畫款識云孤雲處士王振鵬畫

元王振鵬金明奪錦圖一卷

次等律二

素絹本墨畫款云臣王振鵬卷後又隸書自識

云崇寧間三月三日開放金明池出錦標與萬民同樂詳見夢華錄至大庚戌欽遇仁廟青宮

千春節嘗作此圖進呈題曰三月三日金明池
龍驤萬斛紛遊嬉歡聲雷動喧鼓吹喜色日射
明旌旗錦標濡沫能幾許吳兒顛倒不自知因
憐世上奔競者進寸退尺何其癡但取萬民同
樂意為作一片無聲詩儲皇簡澹無嗜慾藝圃
書林悅心目適當今日稱壽觴敬當千秋金鑑
錄恭惟大長公主嘗覽此圖閱一紀餘今奉教
再作但目力減如曩昔勉而為之深懼不足呈

獻時至治癸亥秋暮廩給令王振鵬百拜敬畫

謹摹字

元王振鵬五雲樓閣圖一卷

次等律二

素絹本著色畫款云孤雲處士王振鵬製拖尾
有文徵明題句一又彭年周天球二跋又陸師
道記語一前隔水

皇帝青宮時題詩云仙家何事好樓居應愛雲霞入
綺疏漫笑荒唐傳漢武只今披卷信非虛蓬萊

樓閣五雲端海日初升映石欄多少仙人飛鶴
去孤雲處士畫中看寶親王長春居士題下有
寶親王寶長春居士二璽前有隨安室一璽

元王淵荷花鵲鵲圖一卷

次等
呂一

素絹本著色畫隸書款云澹軒王淵畫拖尾有
高啟丘璿二跋

元黃公望溪山雨意圖一卷

次等
調一

素牋本墨畫款識云此是僕數年前寓平江光

孝時陸明本將佳紙二幅用大陀石硯郭忠厚
墨一時信手作之此紙未畢已為好事者取去
今復為世長所得至正四年十月來溪上足其
意時年七十有六是歲十一月哉生明識後隔
水有王國器題詩一拖尾有倪瓚跋一

元王蒙松窓讀易圖一卷

次等
陽一

素牋本著色畫隸書款識云松窓讀易圖至正
辛未秋日黃鶴山人王蒙

元王蒙畫芝蘭室圖一卷

次等
陽二

素箋本著色畫篆書款云王蒙畫卷前篆書寶

石泉壑四字引首陶宗儀篆書芝蘭室三大字

拖尾俞和書芝蘭室記又僧夢觀來復慧隱危

素徐一夔白範字文公諒宋燧諸題句又題句

三後署德祥夷簡如蘭又項元汴記語一

元吳鎮竹譜一卷

次等
雲一

素絹本墨畫凡十二段卷前草書蘇軾簞簞谷

偃竹記款識云梅道人為佛奴畫竹譜書此記
於卷首至正十年庚寅夏五月八日雨窻筆第
一段題識云晴霏光煜煜曉日影瞳瞳為問東
華塵何如北窻風梅道人戲墨於醉李春波門
笑俗陋室老飲冰先生以樗翁所書笑俗二字
未刻示余揭之陋室為問俗之移人而賢者猶
不能自免而况愚者而能免之乎俗之可笑不
可笑何則蓋習氣所積化之而然也然而俗之

果可移人而人果不可移俗者乎使其喜名者
而乏才識喜利者而尚浮華皆習俗移人而然
焉間有墮於其中而自覺者得非心出天賦人
能移俗者至是乎俗果可笑乎果不可笑乎因
誦東坡詩曰士俗不可醫之句先生乃掀然大
笑捧腹出門疾走而去余遂歌曰我有淵明琴
長年在空屋客來問宮商胡盧捫軫足纔俗不
可醫那使積習熟我慚疲欲眠清風動修竹第

二段自識云孔子適衛公孫青僕子在淇園有
風動竹蕭洒團欒之聲欣然忘味三月不肉顧
謂青曰人不肉則瘠不竹則俗汝知之乎梅道
人寫至此遂寫竹以破俗云至正庚寅夏五月
時宿雨未霽勞倦少息第三段自識云鮮于伯
機題高房山墨竹詩云涼陰生研池葉葉秋可
數京華客夢醒一片江南雨至正十年夏六月
九日因雨窻孤坐捉筆寫此枝以識歲月梅道

人戲墨第四段自識云東坡先生守湖州日遊
何道兩山遇風雨回憩賈耘老溪上澄暉亭令
官奴執燭畫風雨竹一枝於壁間題詩云更將
掀舞勢秉燭畫風篠美人為破顏恰似腰肢裊
後好事者刻於石今置郡庠余遊雪上摩挲久
之歸而每筆為之不能彷彿萬一時梅雨初歇
清和可人佛奴出此卷索作竹譜遂因而畫此
枝以識歲月也至正十年夏五月一日梅道人

年已七十一矣又另行記云試貂鼠毫筆潘衡
舊墨兒誦論語第五段自識云梅花翁寄興於
椽下第六段題識云抱節兀無心凌雲如有意
寫之空山中凜此君子志梅道人為佛奴戲此
竹書此詩當此日有此枝成不成奇不奇口不
能言心自知聊寫此語為娛嬉梅老寐語也第
七段題識云愁來白髮三千丈戲掃清風五百
竿幸有阮奴知此意時來几上弄清寒梅道人

戲墨時驟雨忽至清風涼肌第八段題識云逕
深苑屋陋樹倚夕陽斜行遍青丘路何山不可家
至正庚寅夏六月梅花老戲墨也第九段題識
云俯仰元無心曲直知有節空山落木時不改
霜雪葉此懸崖竹如此立意可也梅道人戲墨
第十段自識云簡齋詩云意足不求顏色似前
身相馬九方皋梅花親書也第十一段題識云
有竹之地人不俗而况軒窓對竹開誰謂墨奴

能倒景一枝移上紙屏來梅道人一日與人寫
紙屏而作此枝佛奴索寫此詩於譜上遂為書
也至正庚寅夏五月十三日飲醉時第十二段
題識云輕陰護綠苔清風翻紫籜未參玉版師
先放揚州鶴梅老戲作於慶餘之東閣住且喫
茶處

按題識中語多脫誤

元張中畫菊一卷

次等
勝一

素牋本墨畫款識云至正庚子秋張中子政畫
拖尾有陸子榮周琰匡顯吳晉程禧歐陽遂初
王子充張柄廖敬先吳括諸題句

明宣宗萬年松圖一卷

次等
致一

素牋本墨畫引首款識云宣德六年四月初一
日長子皇帝瞻基敬寫萬年松圖奉仁壽宮清
玩

明吳偉倣李公麟洗兵圖一卷

次等
雨一

素牋本白描畫款識云弘治丙辰秋七月湖湘
小仙吳偉為獻蘊真黃公前隔水有周荃識語

一

明張珪神龜圖一卷

次等
露一

素絹本著色畫款署隨駕張珪四字拖尾跋一
後識云成化二十一年乙巳秋九月望日薰沐
頓首謹跋未署名又錢士升題句一

明沈周畫松石間意一卷

次等
結一

素牋本墨畫款云石田翁倣梅道人筆

明沈周淇園春雨圖一卷

次等
結二

素牋本墨畫卷前有啟南白石翁二印拖尾款
識云成化庚子仲夏避暑大石雲泉菴積雨初
霽策杖訪宿田老兄坐談移日出所藏元人吳
仲圭竹卷求鑑疎枝蕭蕭幾欲紙上作聲而懸
崖噴瀑行筆奇縱大得董巨妙處遂借歸置案
頭數日子生平不善畫竹見此卷輒興效顰之

思漫臨一過即持示宿田并歸仲圭卷宿田擊
節稱賞云優孟之學叔敖其神肖不是過也然
不知仲圭墨氣易似而蒼勁之色最難摹倣此
卷雖未能入其堂奧邯鄲之步亦或不至盡失
云爾沈周

明沈周林隱圖一卷

次等
結三

素牋本著色畫款署沈周前隔水

皇帝青宮時題詩云碧潭水澄泓古寺風蕭索巖巒

濃淡間村墅辨依約當年林隱人常住箇中樂
筆思紛縱橫老手石田作神韻足卧遊爽籟生
陰壑一篇高士傳披開心胸廓寶親王長春居
士題下有寶親王寶鷺飛魚躍二璽前有隨安
室一璽

明沈周畫蘧菴圖一卷

次等
結四

素綾本著色畫款識云庚申歲八月一日沈周
製引首李東陽篆書蘧菴二大字拖尾東陽書

邃菴解一則又吳寬銘一又李夢陽題詞一又
張孝思記語一

明沈周畫梅花一卷

次等
結五

素箋本墨畫款識云弘治癸亥春長洲沈周拖
尾有鄒璧題句一

明唐寅畫對竹圖一卷

次等
為一

素絹本著色畫款署唐寅拖尾自題云簞瓢不
厭久沉淪投著虛懷好主人榻上罷觥黃葉滿

清風日日坐陽春此君少與契忘形何獨相延
厭客星苔滿西堦人跡斷百年相對眼青青晉
昌唐寅又沈周黃雲祝允明文壁都穆諸題句

明唐寅坐臨溪閣圖一卷

次等
為二

素絹本著色畫款題云空山春盡落花深雨過
林陰綠玉新自汲山泉烹鳳餅坐臨溪閣待幽
人輒作小絕并畫以為贈存道老兄具傳昔之
歡并居處之勝焉時弘治甲子四月上旬吳趨

唐寅引首文徵明書六如墨妙四大字拖尾附
文徵明落花詩四首款云嘉靖戊申三月既望

書徵明

明唐寅折枝花卉一卷

次等
為三

素絹本著色畫卷後款題云寫罷花枝却有神
十年磨脫筆頭塵明朝雨露天恩降不比繁華
十樣春晉昌唐寅畫并題畫凡十六種每種有
文徵明題句拖尾有王穀祥跋一前隔水

皇帝青宮時題詩云藝苑高標最數誰六如能畫又能詩品無二妙饒風韻筆染羣芳帶露枝蛺蝶窺牕將採際美人臨鏡欲簪時何須谷口尋春去粉本天然奪女夷寶親王長春居士題下有寶親王寶染翰二璽前有樂善堂一璽

明唐寅秋林高士圖一卷

次等為四

素絹本著色畫款署唐寅引首

皇帝青宮時題詩云寒溪引入仙鄉深一川風景合

秋林霞衣雲帔結知心徘徊稱意羞華簪或浮
輕舫或卧岑把釣蘆岸垂絲沉有來童子斜抱
琴高山流水彈清音拏空松栢虬龍吟白鷗為
伴浮碧潯商山遺跡復見今簌簌晚籟寒窻侵
生綃一幅重南金唐君妙筆何森森乘槎他日
擬追尋祇今卧遊瀟灑滌煩襟寶親王長春居
士題時甲寅七夕下有寶親王寶鳶飛魚躍二
壘前有芝蘭室一壘

明唐寅煮茶圖一卷

次等
為五

素絹本著色畫款云吳郡唐寅寫引首文徵明篆書六如墨妙四大字拖尾有祝允明書茶歌

又陳淳記語一

明仇英乞巧圖一卷

次等
霜一

素綾本白描畫款署仇英實父拖尾有王逢年

書李白宮中行樂詞八首

明仇英花鳥寫生一卷

次等
霜二

素絹本著色畫款云仇英實父製

明仇英漢宮春曉圖一卷

次等
霜三

素絹本著色畫款云仇英實父謹製

明張崧秋色圖一卷

次等
金一

素牋本著色畫秋花二種自題云北林鵲夜飛
南軒月馭近調絃發清徵蕩心祛褊悵變作離
鴻聲還入思歸引長歎未終極秋風飄素鬢未
署名後有張崧私印石樓二印

明文徵明畫新燕篇詩意一卷

次等生一

素絹本著色畫款云徵明戲筆別幅自書詩云
杏花飛飛春燕來主人花下新堂開花間相見
如相識綠樹東風捲簾入漠漠疎烟碧草齊斑
斑小雨春泥濕城中甲第連雲起畫棟朱甍春
旖旎故壘寧無繡幕思多情却向茅簷底茆簷
日暖繡幕寒去來只作尋常看乃知物性無新
故人情自爾分貧富我家舊宅經幾遷僅有此

屋三年前一朝差池忽在眼便覺華煥生棖榭
不嫌香土污書帙時有飛花落舞筵人言禽鳥
得氣先主人貧病何當痊人生未怕長貧賤但
願年年見新燕嘉靖甲辰春二月廿又八日為
惟用書徵明記語有四世孫寒溪同揆謹記九
字引首有陸師道隸書春滿江南四大字

明文徵明赤壁賦圖一卷

次等
生二

素牋本著色畫前赤壁賦款識云辛亥秋日徵

明製引首自隸赤壁賦圖四大字拖尾有董其昌書後赤壁賦又陶隱居與梁武帝論書啟並跋

一

明文徵明存菊圖一卷

次等生三

素絹本著色畫卷後有徵明徵仲二印拖尾自題云西風采采弄秋黃種菊人遙菊未荒老圃尚餘清節在殘英長抱故枝香愁侵九日還逢雨寒入東籬忽踐霜珍重孤兒偏護惜百年手

澤自難忘達公先生不忘其先府君菊菴之志
因號存菊友生文徵明為賦此詩并系拙畫

明文嘉畫會景堂圖一卷

次等
麗一

素牋本著色畫款識云癸卯九日文嘉作拖尾
王穉登書會景堂七詠詩附雜詩四首並尺牘

一則

明陳淳山水一卷

次等
水一

素絹本著色畫款署道復拖尾有王寵跋一

明陳淳洛陽春色圖一卷

次等水二

素牋本著色畫牡丹款署道復引首自篆洛陽

春色四大字

明陳淳牡丹一卷

次等水三

素牋本著色畫拖尾自識云嘉靖辛丑夏日白

陽山人道復作于五湖田舍之浩歌亭

明陳淳雲白山青圖一卷

次等水四

素牋本墨畫卷前有陳道復氏一印別幅草書

李白詩款云金陵江上逢蓬池隱者唐李太白
作白陽山人道復書於雲山卷後引首自書雲

白山青四大字款署道復

明錢穀冰蘂齋圖一卷

次等
玉一

素牋本著色畫款識云嘉靖丙辰日長至錢穀
寫冰蘂齋圖引首王穀祥篆書冰蘂齋三大字
拖尾穀又自題云先生安素業歲月讀犧經絕
俗同原憲清修類管寧謀時心自拙懷德志偏

醒閉戶窮探索青藜徹夜熒彭城錢穀前有王
穀祥張鳳翼張鵬翼諸題句後有毛公瑾黃禮
曾方儀諸題句

明錢穀溪閣高閒圖附文徵明詩帖一卷

次等
玉二

素牋本著色畫款署彭城錢穀別幅文徵明書
絕句三首款識云嘉靖丙午夏四月望後一日

書舊作三絕句引首彭年書溪閣高閒四大字

明徐渭畫竹一卷

次等
出一

素箋本墨畫卷後自題云齋中一夜雨成河午
榻無緣遣睡魔急搗玄霜掃寒葉濕淋淋地墨
龍拖右咏雨竹客裏鹽齏無一寸家鄉笋把束
成柴畫取陂塘聊遣興翻引長涎濕到鞋右咏
笋竹款云積齋丈出卷索書予書其半而竹其
半緣日來初習乏紙借人牋素打稿故也一笑
天池山人徐渭又識云余學竹于春不踰月而
至京此抹掃乃京邸筆也攜來重觀可發一笑

渭

明宋懋晉摹諸家樹譜一卷

次等
崑一

素牋本墨畫凡三十九段每段書諸家姓氏及畫訣後識云惟畫松樹各家一法雜樹雖小異大都相類自唐至元無慮數百人而成家為人師法者不過二三十家而已余摹得二十家如畢宏張璪及元人之寫意者或可髣髴其一二若伯時與二李二趙輩不能得其萬一蓋院體

俱入細落墨數次烘染設色一樹便可竟日豈
草草之筆所可臨摹若能以死功臨之則反易
於畢宏張璪之寫意者以故文人學畫須以逸
品為宗丙辰清和望後宋懋晉識

明黃彪畫九老圖一卷

次等
岡一

素絹本著色畫款識云繪事得神為上儼然生
氣惟唐人有焉凌烟登瀛圖由帝王動費不貲
莫可尚已白公以考槃繼美執彩筆者通達深

造故此本獨擅古今景慕興者睢陽洛陽耆英
盛矣崑山城南朱君璧家藏會昌本北城朱澤
民家藏睢陽本邑舉斯文會時出一觀珍如大
訓河圖然北朱好文學雖移於夏太常不遠復
有及第科級南朱好飲博遂移於黃太常太常
褒忠臣列於俎豆近因盜失千里贖歸有禎祥
夫圖繪小物也興替闕焉何也蓋榮壽大老製
作華國紀載維風係國家神氣神氣復而元氣

培莫測所鍾此理難言也畫者亦間出杜子美
謂好手難再遇即學書者世人皆學蘭亭面欲
換凡骨無金丹余遠遊好道而歸七十有四歲
矣樓居謝客重圖以繼絕天假之年神實相之
皇明萬曆甲午蜡月立明年春黃彪圖識拖尾
陸士仁隸書九老詩并序

明趙左倣黃公望富春大嶺圖一卷

次等
劍一

素絹本著色畫款識云甲辰夏五月摹黃子久

富春大嶺趙左前後隔水皆有王鐸題識凡三

則

明周之冕花鳥一卷

次等號一

素絹本著色畫款署周之冕

明黃希憲江村圖一卷

次等巨一

素牋本著色畫款云黃希憲寫拖尾有王鐸跋

一

明董其昌巖居圖一卷

次等闕一

素牋本墨畫款識云癸丑春二月為汪履康寫
岩居圖董元宰卷前有陳繼儒識語一

明董其昌倣小米瀟湘奇境圖一卷

次等
關二

宣德牋本墨畫款識云記憶巴陵舟中望洞庭
空闊之景寫此乙卯春元宰識拖尾又自跋云
米老居京口嘗以清曉登北固眺望烟雲之變
曰此最似瀟湘虎兒楚山清曉圖進道君大都
寫瀟湘奇境也余嘗謂畫家須以古人為師久

之則以天地為師所謂天廡萬馬皆吾粉本也
虎兒有長圖自題曰夜雨初霽曉烟未泮則其
狀有類於此余亦時倣之董其昌自題寄嵩螺
侍御

明陸遠倣巨然谿山無盡圖一卷

次等
珠一

宣德箋本著色畫款識云乙亥五月倣巨然筆
陸遠前篆谿山無盡四字

明鄒典金陵勝景圖一卷

次等
稱一

素牋本著色畫款識云甲戌秋鄒典寫拖尾有
魏之璜葛一龍二跋

明陳嘉言花卉一卷

次等
夜一

素牋本墨畫無款有陳嘉言印孔彰二印

明程士械萬松圖一卷

次等
光一

素牋本墨畫款識云歲在辛丑為葦溪老先生

寫程士械

明王時敏倣宋元諸家畫一卷

次等
果一

素牋本墨畫凡十幅每幅款署烟客第一幅云
做北苑第二幅云做倪迂筆第三幅云做大癡
第四幅云做吳仲圭第五幅云做雲林第六幅
云做叔明第七幅云做巨然第八幅云做米家
山第九幅云做子久第十幅云做黃子久

明楊文驄蘭石一卷

次等
珍一

素牋本墨畫空勾著色三種後隔水款識云素
心仁兄得晤於澄江出卷索畫戲作芳蘭數本

此所謂同心之言也戊寅六月廿七弟楊文驄
識拖尾有陳函輝跋二又朱灝惲本初李令哲
蔣邁錢振先沈戩穀顧夢麟諸跋

明馬守貞畫蘭一卷

次等
李一

素牋本墨畫款題云莫訝春光不屬儂一香已
足壓千紅縱令摘向韓娘袖不作人間腦麝風
丙寅春三月偶寫湘蘭馬守貞

石渠寶笈卷三十四

欽定四庫全書

石渠寶笈卷三十五目錄

貯

御書房八

無名氏

畫卷上等

唐人洛神賦全圖

五代人雪霽捕魚圖

宋人耆英會圖

宋人胡笳十八拍圖

宋人蠶織圖

宋人摹顧凱之斲琴圖

宋人畫九歌圖

宋人西園雅集圖

宋人錦江圖

元人青山白雲圖

元人雪江漁艇圖

刻絲畫卷上等附

趙昌花卉翎毛

慶壽圖並米芾書

畫卷次等

唐人畫女孝經圖

五代人別苑春山圖

宋延祐畫院鹵簿圖

宋院本景德四圖

元人畫竹

元人奪錦標圖

元人痛女圖

明人百花圖

國朝人

畫卷上等

吳歷雲白山青圖

王翬層巒曉色圖

王原祁層巒茂樹圖

王原祁富春山圖

畫卷次等

邵彌載鶴圖

王鐸花卉

王原祁秋山書屋圖

沈宗敬溪山深秀圖

王敬銘仿趙孟頫雲嶠長春圖

赫奕烟樹山亭圖

郎世寧百駿圖

唐岱秋山不老圖

李鱣四季花卉

欽定四庫全書

石渠寶笈卷三十五

貯

御書房

無名氏

畫卷上等

唐人洛神賦全圖一卷

上等
天一

素絹本著色畫每段節書洛神賦本文卷前署

洛神賦三字卷高一尺五寸九分廣三丈六尺

五代人雪霽捕魚圖一卷

上等
地一

素牋本著色畫卷前有宣和一璽又桂坡安國

賞鑑一印又半印不可識卷後有政和內府圖

書之印二璽又柯氏敬仲一印拖尾有晦翁大

雅堂圖書記二印又內府圖書之印一璽卷高

八寸九分廣七尺八分

宋人耆英會圖一卷

上等
元一

素絹本著色畫卷前半印二存體仁堂書畫記六
字又半印漫漶不可識卷後有端明殿學士章春
山私印梁清標印蕉林秘玩吳廷書畫之印來古
軒江表黃琳諸印又半印二漫漶不可識卷中幅
有春山春山私印二印又一印漫漶不可識後別
幅司馬光書洛陽耆英會序云昔白樂天在洛與
高年者八人遊時人慕之為九老圖傳於世宋興
洛中諸公繼而為之者再矣皆圖形普明僧舍乃

缺二

之故第也元豐中潞國文公留

缺二

都韓國富公

納政在里第自餘士

缺

夫以老自逸於洛者於時

為多潞公謂韓公曰凡所為慕於樂天者以其志

趣高逸也奚必數與地之襲焉一日悉集士大夫

老而賢者於韓公之第置酒相樂賓主凡十有一

人既而圖形妙覺僧舍仍各賦詩時人謂之洛陽

耆英會孔子曰好賢如緇衣取其敝又改為樂善

無厭也二公寅亮三朝為國元老入贊萬幾出綏

四方上則固社稷尊宗廟下則熙百工和萬民
為天子腹心股肱耳目天下所取安所取平其
勲業閎大顯融豈樂天所能庶幾然猶慕效樂
天所為汲汲如恐不及豈非樂善無厭者與又
洛中舊俗燕私相聚尚齒不尚官自樂天之會
已然是日復行之斯乃風化之本可頌也宣徽
王公方留守北都聞之以書請於潞公曰拱辰
亦家洛位與年不居數客之後顧以官守不得

執卮酒在坐席良以為恨願寓名其間幸無我
遺其為諸公嘉美如此光未七十用狄監廬尹
故事亦預於會潞公命光叙其事光不敢辭時
元豐五年正月壬辰司馬光序下有司馬光印
獨樂園二印前署洛陽耆英會序六字下有涑
水氏一印又署諸賢爵齒姓名云武寧軍節度
使守司徒開府儀同三司致仕韓國公富弼彦
國年七十九河東節度使守太尉開府儀同二

司判河南府潞國公文彥博寬夫年七十七尚
書司封郎中致仕席汝言君從年七十七朝議
大夫致仕王尚恭安之年七十六太常少卿致
仕趙丙南正年七十五秘書監致仕上柱國劉
几伯壽年七十五衛州防禦使致仕馮行己肅
之年七十五大中大夫充天章閣侍制提舉崇
福宮楚建中正叔年七十三朝議大夫致仕王
慎言不疑年七十二宣徽南院使檢校太尉判

大名府兼北京留守司本路安撫使王拱辰君
既年七十一大中大夫提舉崇福宮張問昌言
年七十龍圖閣直學士通議大夫提舉崇福宮
張燾景元年七十端明殿學士兼翰林侍讀學
士大中大夫提舉崇福宮司馬光君實年六十
四後又錄文彥博詩並小序云元豐五年正月
十日文寬夫與諸公赴司徒相公之第為耆年
之會謹成拙詩一篇上司徒相公兼在席諸公

幸賜一覽下署彥博九老唐賢行繪事元豐今
勝會昌春垂肩素髮皆時彥揮塵清談盡席珍
染翰不停詩思健飛觴無算酒行頻蘭亭雅集
誇脩禊洛社旁注英游貴序賓自愧空疎陪几
杖更容款密奉簪紳當筵尚齒尤多幸十二人
中第二人又錄富弼詩並小序云弼伏承留守
相公就弊居為耆年之會承命賦詩謹錄上呈
伏惟采覽西洛古帝都衣冠走集地豈意名利

塲驟為耆德會大尹吾舊相曠懷輕富貴日與
退老游臺閣並省寺予慚最衰耄亦許豫其次
遂欲肖容儀爛然形繪事閩嶠訪精筆鮫綃布
絕藝今復崇宴衍聊以示慈惠幽居近銅駝荒
弊仍湫底塞路移君庖盈車載春醴獻酬互相
趣歡噓不知止商嶺有四翁晉林惟七子校我
集諸賢盛衰何遠邇茲事實可矜傳之千百祀
又詩並識云弼竊覽嘉篇斷章有十二人中第

二人之句又賦一絕上呈顧我年齡雖第一在
公勲德自無雙不惟行業終難敵富貴康寧亦
可降又書文彥博詩並識云彥博伏覩公詩有
第一無雙之句輒成廿八字上呈洛下衣冠今
最盛當筵尚齒禮容優惟公福壽並勲德合是
人間第一流又錄席汝言詩云繫國安危唐上
宰功成身退漢留侯二公閒暇開高宴九老雍
容奉勝遊共接雅歡恩意洽不矜富貴禮容優

賞心樂事人間盛，豈獨今稀古莫儔。壯歲塵埃
祿仕牽老歸，重到舊林泉。曾無勲業書青史，偶
向康寧養老年。自分杜門居陋巷，敢期序齒豫
高筵。更慙形穢才涼薄，不稱圖真接巨賢。又錄
王尚恭詩云：元勛舊德兩台臣，珪組參差又十
人。八百高年餘總數，一千熙運際良辰。席間韻
語皆非俗，圖上形容幸奪真。幸會主盟開府盛，
誤容衰薄混清塵。服許便衣更野逸，坐從列齒

似天倫二公笑語增和氣夜久盤花旋發春又
錄趙丙詩云新春鼎洛燕英耄主禮雍容下庶
寮二相比肩官一品十人華髮仕三朝星階並
列占台曜尊酒時行挹斗杓東潁庸夫最無狀
也將顏面趣嘉招又錄劉几詩云司徒碩德今
無比太尉殊勲世絕倫偶以暮年陪盛宴喜將
白髮照青春八公祇有山空著四皓當衰志麗
伸元老相望跡在不應此會愧前人又詩云

制舉省元推二相龍頭昔日屬宣猷人間盛事

並遐算一席幾盈九百籌

下注云十二老共八百九十二歲

又

錄馮行己詩云書稱五福壽為先有德人方得

壽延自愧櫟枿非遠器誰應齒髮亦遐年立身

官未三公貴推老名陪二相賢喜抱衰容模梵

宇慙無纖效勒燕然當時遭遇承陶冶今日光

榮豫讌筵從此洛城增勝概又新重作畫圖傳

又錄楚建中詩云自顧頽齡七十餘久慙頑鈍

費洪壚歸逢大老耆年會衰朽形骸愧畫圖二
相謀猷爛史編諸公才業過前賢好圖儀像傳
來世何事疎頑亦比肩又錄王慎言詩云相印
貂蟬冠六符華顛高會侍臣俱不將官職誇鄉
里惟尚年齡入畫圖履道清歡追故事竚瞻陰
德見訐謔叨陪几杖真榮觀珪璧叢中見砥礪
又錄王拱辰詩云西都山水天下奇神嵩景室
環清伊甫申間氣秀不絕生賢會聖昌明時衣

冠占數盛文雅台符卿月光離離魏京雄壯壓
幽朔遊宮御府嚴天威膏田千里翳桑柘犀甲
萬旅馴熊羆公嘗緩帶各三鎮愚亦繼軫承保
釐追維契舊最深篤加復雍孟交旌麾仁皇一
再龍虎榜桂堂先後攀高枝宦遊出處五十載
鸞臺驥路俱騰夷三公極位固遼隔五年以長
猶肩隨公今復主鳳門鑰僕亦再撫銅臺圻二
京相望阻河廣三逕不克陪遊嬉忽聞幹步踵

門至投我十二耆英詩整冠肅貌諷章句若坐
寶肆羅珠璣為言白傳有高躅九君結社真可
師欲令千載著風迹亟就僧館圖神姿詞宗端
殿序篇目滂灑大筆何淋漓眷言履道靡充訕
菟裘近邑將營歸報云繪事得精筆願列霜壁
如唐規退居舊相國元老十年還政渥之涯康
寧貴壽備五福靈寶盛氣如虹霓昔年大對繼
晁董登科賜第同一期紫垣步武既通接金沙

里閑還隣比探禪論道劇酬對摩軋太古窮天
機二相勲業冠朝省爵齒宦學誰依稀今將肖
貌表來世詎可下客聯纓綬既蒙月品定人物
不敢循避違風期

缺

承開閣厚賓客富有景物

佳園池銅駝坊西福善宅修竹萬個籠清漪天
光臺高未百尺下眺林嶺如屏帷花王千品盡
殊勝風光繡畫三春暉六相街中路公第碧瓦
翠木烟叅差左隅廟室本經禮右閣宸翰尊星

金婆娑青鳳舞松柏煥爛素錦薰醑醺石渠飛
溜漱寒玉晝夜竽瑟鳴階墀伊予陋巷治窮僻
姑喜地廣為環溪名樓多景可瞻望臺號風月
延清輝四時花蕪不外假拏舟傲幘聊嬉怡懷
歸撫事若饑渴恨無羽翼西南飛人生交舊貴
倫輩情親意接心相知豈無晚秀負才縉高談
大笑拘禮儀洛中故事重名義燕毛第以年相
推濯冠登仕荷天寵尊君報國當百為既嗟大

耄盡知止納祿謝事皆所宜顧方北道倚煩劇

未許解紱披荷衣長篇不令負花約

旁注云公貽莫負花

前約之句

為指風什歌式微如羹甘露爽心骨侶柄

玉塵親顏眉蘭鼓雖未長羅宅菊英亦自思陶

籬子山已著小園賦彥倫有愧鍾山移聊攄短

引謝招隱肯使損鶴常驚啼又錄張問詩云槐

庭二老樂堯仁盛集高年洛水濱華衮具瞻雖

禮絕白頭序齒見情親清閑几席同禪悅山野

巾裘似隱倫尊酒椒香纔過節池塘草色已催
春白公酣暢吟哦內衛武康强笑語頻豈獨丹
青傳不朽潛欣風俗欲還淳芝田鶴戲調神健
蓮葉龜遊納息勻商皓寂寥拘小隱漢疎局感
止家人莫因氣貌疑丹竈自有光陰寄大椿復
得兼謨為重客旁注云司馬光未七十恐遺文藝在編民
神仙可學今方信道術相忘久益真滿座交歡
祝眉壽羣生五福託鴻鈞又錄張燾詩云洛城

令昔衣冠盛韓國園林景物全功在三朝尊二
相數踰九老翠阜賢當時鄉社為高會此日居
留許欸延多幸不才陪履舄更慙七十是新年
又自錄詩云洛下衣冠愛惜春相從小飲任天
真隨家所有自可樂為具更微誰笑貧不待珍

羞方下筯只將佳景便娛賓庾公此興知非淺

藜藿終難作主人

自席汝言至司馬光詩前
俱題同前二字下署名

又

錄文彥博詩前識云彥博代簡上君貺宣猷勿

愛大名名遂忘西洛樂銅駝本自佳金鳳亦不
惡二月三月春融融千花萬花紅灼灼公乎早

歸來莫負花前約同賞狀元

缺二字

對劉師閣

下注

云花雖舊房
其艷惟新

又錄真率會詩並小序云作真率

會伯康與君從七十八歲安之七十七歲正叔
七十四歲不疑七十三歲叔達七十歲光六十
五歲合五百一十歲口號成詩用安之前韻下
署司馬光三字七人五百有餘歲同醉花前令

古稀走馬鬪雞非我事紵衣絲髮且相輝經春
無事連翩醉彼此往來能幾家切莫辭斟十分
酒儘從他笑滿頭花又錄條約云序齒不序官
為具務簡素朝夕食各不過五味菜果脯醢之
類共不過二十器酒巡無算深淺自斟飲之必
盡主人不勸客亦不辭逐巡無下酒時作菜羹
不禁召客共用一簡客注可否於字下會日早
赴不待速右有違約者每事罰一巨觥後有司

馬光印君實端明殿學士之章諸印後記語云
延祐二年三月二日子昂觀又喬孫璽拜手閱
六字幅前有新安吳廷用卿蒼岩諸印又半印
二存體仁堂書畫記六字幅中押縫有河北崇
村印二武陵世家印二春山一印安定一印前
隔水有蒼岩子梁清標王立氏印章蕉林鑑定
蕉林書屋諸印中隔水押縫有蕉林安定二印
後隔水押縫有冶溪漁隱秋碧二印拖尾文彭

跋云右洛陽耆英會詩序乃溫國手筆固足為
百朋之重矣但耆英十三人而畫者止此豈取
詩序中所援八人耶要是畫舫中第一流物不
必屑屑較也三橋文彭識又文嘉跋云洛陽耆
英一代盛事當時名家往往傳寫此卷不惟筆
意道逸而神氣古雅想皆肖諸賢而為之者其
序并詩又出司馬公手書尤不易得賞鑑家當
以楚珩趙璧視之可也茂苑文嘉後有蒼巖子

蕉林觀其大畧諸印諸跋中押縫有冶溪漁隱
一印卷高一尺七分廣八尺六分

按劉几詩志麓伸句疑有誤

宋人胡笳十八拍圖一卷

上等
黃一

素絹本著色畫分段書十八拍詞每段前後沐
璘廷章印共三十四耿會侯鑑定書畫之章印
共十四又宜爾子孫琴書堂會侯珍藏各二印
又漢水耿會侯書畫之章耿會侯記勤僖公後

人諸印卷後半印存齋字可辨前隔水押縫有
元賞珍秘宜爾子孫會侯珍藏丹誠漢水耿會
侯書畫之章長字諸印後隔水有素軒清玩珍
寶雪舫中人琴書堂漢水耿會侯書畫之章諸
印押縫有黔寧王子子孫孫永保之沐璘廷章
元賞珍秘宜爾子孫諸印又錢氏合縫鼎印凡
二拖尾有邵姓珍玩寶古中秘耿會侯記諸印
卷高八寸八分廣三丈七尺二寸四分原第一

拍缺三十五字

御筆補書於前隔水上款云乾隆壬戌菊月御筆補書闕文上鈐乾隆宸翰一璽

宋人蠶織圖一卷

上等字一

素絹本著色畫凡二十四段每段下小楷錄畫目卷前一印漫漶不可識卷後有蕉林梁氏書畫之印一印又平定半印卷中幅押縫有棠村印一前隔水有長宜子孫孫承澤印二印押縫

有蕉林書屋清河私印二印又一印不可識後
隔水有蕉林鑑定北海孫氏珍藏書畫印二印
押縫有棠村蕉林居士二印又二印漫漶惟平
公章三字可辨拖尾鄭足老跋云耕織圖起於
高皇時此織圖也乃當日翰林院畫曲盡蠶家
態度亦嘗模而餽板矣足老曩在杭見之而未
覩其真茲獲接識小谷先生出示新得此軸宛
如春夏間游村落中奇哉奇哉下題小字實顯

仁皇后筆后習高皇字而微有不同處高皇手
書九經筆每倦則后書續之人未易辨也此本
或以為高皇書足老於不同處知之外谷聞斯
言大以為然命足老識其末云東陽鄭足老書
時至元丁亥下元日又鮮于樞跋云此圖得古
人鑑戒遺意大與尋常人物花鳥不同大德二
年冬十一月廿八日困學齋水軒書鮮于樞記
又宋漁跋云宋高宗既即位江南乃下勸農之

詔郡國翕然思有以承上意四明樓璘字壽王
時為杭之於潛令乃繪作耕織圖農事自浸種
至登廩凡二十又一蠶事自浴種至剪帛凡二
十有四且各繫五言八句詩於左末幾璘獲召
見遂以圖上進云今觀此卷蓋所謂織圖也逐
段之下有憲聖慈烈皇后題字皇后姓吳配高
宗其書絕相類宣璘進圖之後或命翰林侍詔
重摹而后遂題之耶卷常藏小谷余先生家其

後有雙巖鄭子有困學解于伯幾所跋二公當時名流翰墨皆可寶玩有謂題字為顯仁韋后所書則恐未然也嗚乎古昔盛王未嘗不以農事為急豳風之圖不見久矣有若此卷者其尚可忽之耶金華宋濂題又觀音實禮四言詩并序云子昂作耕織圖歲之宣文此延祐盛平之日故聞經術之論翰墨玩覽之物亦不敢使之蕩逸情性是後皆莫覩其斯旨此圖則與前說

同意欲為龍眠筆迹此人物太嬌媚然畫至于
此亦難論也况其意哉謹擬子昂作幽風之詩
之義其詩三章敬哉后妃躬桑於室為帝之裳
告祀惟吉穆穆威儀辟公是式慎哉夫人弗怠
弗逸春日在桑鳩鳴於陽念我農夫為父母裳
帝同上天俯臨萬邦何私於汝汝笥汝筐春日
在牖燕我春酒我桑在墉我田在畝同我父母
招我隣友子孫之慶願帝之壽觀音實禮謹拜

又劉崧跋云畫人物花鳥易畫士女難畫園夫
紅女尤難蓋非有以通農圃室家之情悉倥偬
拮据之態而極憂勤儉質之意者不能爾也今
觀吳氏所藏故宋樓氏蠶織圖自浴種至收帛
總二十有四事婦女四十有五戲嬰孩者二人
抱哺者一人紉者一人立而旁觀者三人翁若
丁男二十有七扇且饋而踞桑下者一人蠶而
背坐牕間見其項項者一人且祀且拜者男女

各二人自餘翁媼長幼皆趨蹌執事無閒散者
此外若樹木戶牖几席之次筐筥釜盎簇箔機
簾之具與凡人事物色無不曲盡形態亦可謂
畫之能品者矣然其間有不可知者二夫男子
力田而婦人力桑職也今是圖採桑皆畫翁男
輩而女婦不與焉此不可知一也自黃帝娶西
陵氏為妃始事蠶作故世祀之謂之先蠶而後
世所祀又有所謂蜀女化為蠶頭娘者固皆婦

女也而此圖所畫乃戴席帽被綠而馳騎此不可知者二也要之畫者自必有意特未之知耳至論其始繪圖以獻宋高宗本於潛令四明樓璘而又辨其下所題字為吳后而非顯仁后者則今承旨宋太史之序跋備矣予特叙論作者之工因併摭所疑者而質之庶或從觀考者有聞焉洪武九年七月既望廬陵劉崧書又金甕隸書題云聖王貴耕織務本國乃昌丈夫必躬

耕婦女仍躬桑二月東作興三月蠶事忙清明
視蠶具復此修蠶房浴種既有時體餒亦有常
一眠穀雨初兩眠春載陽三眠春向暮倉庚舌
如簧相將大眠起翁媼俱不遑渾家竭筋力少
艾尚弗粧蠶饑在勤飼風火救絲腸桑間葉恐
盡采采不盈筐拾巧上山早蠶絲端可望三盆
起繅車軋軋鳴村莊歲計幸足收報神神孔享
紡績催杼軸辛苦惟蠶娘輸稅仍給役所願萬

斯箱筐篚首入貢昭事元與黃周公居輔相注
意幽風章遂令後代人圖成訓為邦感茲蠶織
圖實起宋高皇邑令始承詔持之獻明光中宮
手親題字字金玉相迺知君后意獨在農夫慶
宋鐺令詞臣品藻何其詳披玩當再拜民事吾
敢忘願言繪廳壁永覩斯民康吳郡金邕又陳
廸題云元夕先蠶拜紫姑至今遺俗効東吳家
居織紵經人別愁絕燕山看畫圖雲間陳廸後

有蒼巖子蕉林秘玩觀其大畧三印又孫承澤跋云右蠶織圖自浴種至剪帛寫其中情事歷歷如見真名手也所題小字鄭足老謂為顯仁皇后書至金華宋太史乃謂為憲聖慈烈皇后書余考之顯仁韋后高宗母也從徽宗北轅至老始返異暇優游翰墨憲聖吳后為高宗繼配史稱其博習經史善于書翰則當為吳后書金華之言為確矣余初得此圖未幾又得趙松雪

耕圖遂成合璧因并記之退谷逸叟諸跋中押
縫有棠村印三又蕉林居士冶溪漁隱各二印
卷高八寸九分廣一丈六尺一寸

宋人摹顧凱之斲琴圖一卷

上等
宙一

素絹本淡著色畫卷前有宣和中秘一璽卷後
有柯氏敬仲孫承澤印二印前隔水有王氏永
光孫承澤印思仁三印後隔水有陳留侯章一
印引首有王鵬沖篆書斲琴圖三大字款云墨

浪齋題卷高九寸一分廣四尺四分

宋人畫九歌圖一卷

上等
洪一

素箋本墨畫每段楷書九歌本文并署篇名卷
中幅有君謨墨印凡六卷前半印二卷後半印
三俱不可識前隔水有天籟閣子孫世昌二印
又半印存項墨二字卷高一尺三分廣二丈三
尺二寸六分

宋人西園雅集圖一卷

上等
荒一

素牋本白描畫卷前有神品文靖世家王齊賞
鑑過物桂坡安國鑑賞諸印卷後有大明錫山
安國珍藏王齊賞鑑過物文靖世家達字忠武
世家廬陵王山甫諸印卷中幅押縫神品文靖
世家各三印拖尾賈似道書西園雅集序後署
秋壑書三字下有賈似道一印王齊賞鑑過物
一印前半印存壑字後半印三俱漫漶不可識
卷高八寸七分廣一丈三寸五分

按似道書序與米芾本文字句多有互異處

宋人錦江圖一卷

上等
日一

素牋本墨畫卷前有子樹曾為閭山胡氏收藏

二印卷高八寸九分廣一丈三尺二寸九分

元人青山白雲圖一卷

上等
月一

素牋本著色畫拖尾有蕉林鑑定觀其大畧二

印卷高一尺五寸二分廣三尺三寸二分

元人雪江漁艇圖一卷

上等
盈一

素牋本墨畫卷後有姚氏彥卿一印又一印微缺存胸中邱三字卷高七寸五分廣二尺五寸

五分

附刻絲畫卷上等

趙昌花卉翎毛一卷

上等天一

宋本五色織款織趙昌製三字下織趙昌玉川二印卷高一尺三寸四分廣七尺六寸二分

慶壽圖並米芾書一卷

上等一地一

宋本五色織後織米芾書唐詩一首款云紹聖
乙亥春三月書唐楊巨源聖壽無疆詞米芾下
織米芾元章印一印前卷有王俊華氏一印卷
後有商山吳氏收藏書畫圖書一印引首有墨
林子神品項子京家珍藏諸印又子京項墨林
父秘笈之印槁李項氏世家寶玩諸印卷高九
寸八分廣七尺二寸

畫卷次等

唐人畫女孝經圖一卷

次等天一

素絹本著色畫凡九段每段書本文一則

五代人別苑春山圖一卷

次等天一

素絹本著色畫拖尾有趙巖題句一

宋延祐畫院鹵簿圖一卷

次等元一

素絹本著色畫卷首署大駕鹵簿圖書六字下

注中道二字每段書車服品制名目於上前別

幅錄名數目前署大駕鹵簿中道官吏人物名

數篇十三字後款識云延祐五年八月日翰林
國史院編修官臣曾巽申纂進後別幅錄品制
目前署大駕鹵簿中道官吏人物品制詳目十
四字俱小楷書拖尾有宋克陸深許國諸跋又
跋一款署松鶴主人

宋院本景德四圖一卷

次等
黃一

素絹本著色畫凡四段每段楷書標目第一段
契丹使朝聘第二段北塞宴射第三段興駕觀

汴漲第四段太清觀書每段書事實於後

元人畫竹一卷

次等
字一

素牋本墨畫

元人奪錦標圖一卷

次等
宙一

素絹本墨畫

元人瘤女圖一卷

次等
洪一

素絹本著色畫

明人百花圖一卷

次等
荒一

素絹本著色畫

國朝人

畫卷上等

吳歷雲白山青圖一卷

上等天一

素絹本著色畫款題云雨歇還天海氣腥樹連
僧屋鴈連汀松風瑟瑟行人少雲白山青冷畫
屏戊申九月六日予從毘陵歸虞山風雨寂寥
中有啜茗焚香之樂八日晚晴喜而圖此吳歷

并題下有吳歷一印卷前有桃溪居士漁山墨
井三印卷後有墨井草堂桃溪居士二印卷高
八寸廣三尺六寸五分

王翬層巒曉色圖一卷

上等
地一

素牋本著色畫款識云康熙歲次辛巳孟春十
日傲癡翁層巒曉色圖劒門樵客王翬下有王
翬印一印卷前有致印宋氏穉佳書畫庫記二
印卷後有隸家生活富春高寄二印後隔水有

宋致祥佳收藏圖書一印引首有朱彝尊隸書

層巒曉色四大字款署朱彝尊書卷高一尺八

分廣八尺六寸五分

王原祁層巒茂樹圖一卷

上等元一

宣德牋本墨畫款識云禮科掌印給事中加一

級候補臣王原祁恭畫下有臣原祁一印卷高

一尺七分廣八尺六寸六分

王原祁富春山圖一卷

上等元二

素牋本墨畫款識云做黃子久富春長卷筆意
王原祁後有王原祁印茂京氏二印卷前有西
廬後人竹烟樹景滿蕭齋二印卷後又竹烟樹
景滿蕭齋一印又半印存太原麓三字拖尾又
自跋云長卷畫格卑則勢拘氣促則筆弱求其
開闔起伏尚未合法況於神韻乎癡翁得力處
於董巨荆關大小二米融會而出故富春一卷
几界排蕩娟秀雅逸無古無今為筆墨鉅觀松

巖黃兄博學嗜古宋元諸家每欲窮其間奧以
余學大癡有年特攜長卷囑畫勉應其請松兄
之意欲余步趨富春期望甚厚奈筆癡腕弱縱
橫無力譬之求瓊琚而以燕石投賈胡必將啞
然失笑矣康熙己卯夏五上澣麓臺初識下有
別號麓臺一印前有埽華菴一印又半印存畫
記二字卷高一尺五分廣一丈一尺

畫卷次等

邵彌載鶴圖一卷

次等天一

素絹本著色畫款識云崇禎歲在庚辰四月朔
長水龔邵彌前隸書載鶴圖三字引首隸書浣
渭之風四大字款署瓜疇邵彌

王鐸花卉一卷

次等
地一

宣德牋本墨畫卷前款識云七月廿四寫於萬
壽宮槐石間同高中孚胡孝緒王敬哉張雲岫
道士王鐸卷後又自識云丁亥七月秋雨中做

唐五代宋元諸家時在洋汪齋懸樵王鐸又跋
云學畫四十餘載知己甚希每一灑墨為之浩
歎嗚呼時五十六歲又跋云徐熙用筆不在形
象之間貴得其意趣也噫難言之矣八月初五
夜又記卷中幅有戴明說記語一

王原祁秋山書屋圖一卷

次等
元一

宣德牋本著色畫款識云禮科掌印給事中加

一級候補

臣

王原祁恭畫

沈宗敬溪山深秀圖一卷

次等
黃一

羅紋牋本墨畫款云臣沈宗敬恭寫

王敬銘仿趙孟頫雲嶠長春圖一卷

次等
字一

素絹本著色畫款云翰林院修撰臣王敬銘恭

畫

赫奕烟樹山亭圖一卷

次等
宙一

素絹本著色畫款云臣赫奕恭畫卷前

聖祖仁皇帝御書董其昌論畫一則識云臨董其昌論

畫下有康熙宸翰一璽前有中和一璽

郎世寧百駿圖一卷

次等
洪一

素絹本著色畫款識云雍正六年歲次戊申仲

春臣郎世寧恭畫

唐岱秋山不老圖一卷

次等
洪一

素絹本著色畫款識云秋山不老雍正十一年

八月朔唐岱敬畫引首

皇帝青宮時題詩云唐子胸中有廬霍為余一寫秋

山狀豪端氣韻擅蕭疎丘壑縱橫費心匠遠峯
螺髻翠欲滴飛龍直下噴銀浪招提想像晚鐘
鳴森列松杉作屏幃我聞山水貴可居卧遊亦
足娛清曠展對蕭齋秋意深拂拂金風來几上
寶親王題下有和碩寶親王寶長春居士二璽
前有樂善堂一璽

李鯨四季花卉一卷

次等
日一

素絹本著色畫款云臣李鯨恭畫



石渠寶笈卷三十五